



23. juli 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

- 1. Suliniutit ersarissut suut Naalakkersuisut aallartissimavaat imaluunniit aallartissallugit pilersaarutigaat Sarfannguani nunap nakkaannerata annertusinissaa pinngitsoortinniarlugu, pisiniarfiup aammalu orsussamik maqitsisarfiup ullumikkut ulorianartorsiorfigisaat?**
- 2. Naalakkersuisut Pilersuisup pisiniarfiata Polar Oil-illu orsussamik maqitsisarfiata eqqaani ulorianartorsiorneq nalilersorsimanerpaat?**
 - a. Taamaattoqarsimassappat taanna tamanut saqqummiunneqassava?**
- 3. Sarfannguani ooliamik- imaluunniit orsussamik kuuttoortoqassagaluarpas upalungaarsimanermut pilersaarusiortoqarsimava?**
 - a. Naalakkersuisut nalilersimanerpaat, piffimmi upalungaarsimaneq naammattumik sillimmattaarfigineqartoq?**
 - b. Naalakkersuisut eqqarsaatersuutiginerlugu Sarfannguani attavilersuutit ulorianartorsiorlut nuunnissaat imaluunniit isumannaallisarnissaat, tassani pisiniarfik orsussamillu maqitsisarfik, ullumikkut ulorianartorsiorfiusinnaasumi inissisimasut?**
- 4. Naalakkersuisut sunik suliniutinik aallartitserusuppat Sarfannguani aalisarfiusartut illersorniarlugit orsussamik kuuttoqassagaluarpas?**
- 5. Naalakkersuisut oqaluuserisamut soqutiginaatilinnik allanik paasissutissiisinnaanerlutik?**

(Inatsisartunut ilaasortaq Pipaluk Olsen, Demokraatit)

Tunngavilersuut

Sarfannguit umiarsualeqarfiat. Ukiut kingulliit sakkortuumik nunataa nakkaappoq mallit nunamut qararnerannit allaaveqartumik.

Tamanna nunataq nakkaattoq Pilersuisoq-p pisiniarfiata toqqavianut atavoq. Aammalu PolarOil orsussamik maqitsisarfiata orsussamik tuniniaaviata (stander) toqqavigalugu. Orsussallu rujorii tamaana nunatakkut ingerlavoq. Imalu ajorsisimatigivoq orsussap Solar Benzin Petruuliup ruujorii nivingaanalersimapput nunataq nakkaattoq ruujorinut nivingaanalersimalluni ulorianarlunnartumiippoq. Qanoq iliallannerinnakkut Oil annertooq Sarfannguit nunataanut imartaanullu annertuumik mingutitsinissaq sukkulluunniit periaannaavoq.



Sarfannguit imartaat aalisagaqarfissuuvoq bungarnersorfiuvoq saarullinniarneq annertoorujussuarmik ingerlanneqarluni. Mingutitsineq qanoq iliallannikkut pileraluarpat ajunaarnersuartut pisoqariaannaavoq. Pinngitsoorani suliaassaavoq nukinginnartoq.

Apeqquteqaatima ullut suliffiusut qulit iluanni akineqarnissaat qilanaaraara.